



Ultrajecti
Sumptibus GYSBERTI A ZYLL
et Theodori ab Ackersdyck 1659.

BIBLIOTHECA NAS.
ROMA.
VITTORIO EMAN.





GEOGRAPHIÆ COMPENDIUM, ET HISPANIÆ, GALLIÆ AC ITALIÆ TOTIUS,

Brevis & accurata Descriptio.

Quibus accedere itinera & viæ per omnes
arum harum Regionum civitates & urbes præ-
cipuas & Spectatu dignissimas directæ : Iti-
nerarii, & indicis libri vicem exhibentes.

*Item Cautiones & Leges peregrin-
antibus observanda.*

DENIQUE

Iter Bruxellis Lutetiam.

Omnia ex optimis & recentioribus itine-
rariis & scriptoribus collecta.



Trajecti ad Rhenum,
Typis GISBERTI à ZYLL, &
THEODORI abACKERSDYCK, 1658.



Typographus Lectori.

Benevole Lector : hi libelli
ab auctore per otium ex
variis auctoribus collecti
& desumpti sunt , non in
finem ut publici fierent, ideoque
des satis & indigesti prodeunt; &
i sua omnia defendere non susci-
t: bona fide ubique egit, & si aliter
quadam (quam scripsit) reperiantur:
cogitet illa fortasse mutata esse , ut
omnia fere humana non diu in uno
eodemque statu persistunt; splendida
& pulchra tempus deformat : infer-
mia & fœda artificis nuper manus
expolit : qua hoc loco tunc fuere, alio
nunc transportata occurrunt, ideoque
de fide eorum continuò dubitandum
non est : imo & cogitandum nos ho-
mines esse, humanumque errare, &
erratis ignoscere. Multa quoque pas-
sim retulit auctor simpliciter uti cre-
dun-

A 3

dun-



duntur & referuntur in loco situs,
 & ab aliis scripta reperit, non quod
 ea ut sua & indubitata probet & de-
 fendere velit, sed ut peregrini sciant,
 quæ sit ibi hominum sententia, &
 loco temporique morem (quantum
 ferè potest) gerant, prudenterque non
 minus quam innocuè per exteras re-
 giones ambulent.

Non omnia	{	credentes	}	quæ	{	audiunt
		concupiscentes				vident
		dicentes				sciunt
		facientes				possunt.

In horum enim præcipuè gratiam
 hæc editio per me impetrata fuit, qui-
 bus si aliquo modo grata & utilis e-
 rit, finem meum consecutus sum. Va-
 le & utere his donec meliora se-
 quantur.

GEO.



EOGRAPHIÆ COMPENDIUM.

GEOGRAPHIA est descrip-^{Geogra}
scriptio sive explicatio or-^{phia}
bis terræ; cujus pars est Cho-^{Defini}
rographia id est Regionis^{tio.}
alicujus particularis: uti
spaniæ, Galliæ &c. definitio: & hu-^{Divi}
s rursus Pars est Topographia, sive loci^{sio ope}
articularis delineatio, uti agri sive Ter-^{tis.}
torii, opidi, pagi alicujus: in qua etiam
rva, prata, arbores, plateæ & ædificia
epicta veniunt.

Explicatio Globi Terrestris versatur vel Pars I.
circà Exteriorem ejus cognitionem, vel cap. 1.
circà interiorem in eo representatarum
regionum enodationem.

I. *Exterior Globi cognitio consistit Exte-*
rior or-
in eo, ut perspectam habeamus ejus
bis ter-
Magnitudinem, sive extensionem in lon
ra de-
gum latum & profundum. Figuram, quæ
scrip-
ex terminatione istius extensione exsur-
tio.
git, deinde. Situs diversimodam distin-
ctionem, respectu Globi cælestis cui di-

reſtò ſubjicitur : vel potius intuitu *Motus* ipſius Globi terreſtris.

Magnitudo 1. *Magnitudo* ſive extenſio Globi terreſtris in longum latumque percipitur *Menſuris* Geometricis , quæ ſunt Pollices, Pedes, Paſſus, Stadia, & Milliaria.

Menſura Geometrica. *Pes* eſt menſura geometrica decem pollicum : *Paſſus* Geometricus continet 5, Simplex duos pedes cum dimidio : *Stadium*, conſtat paſſibus, 125.

Milliarium *Milliare* varium eſt; & primùm ſumitur pro *menſura*, quæ continet 1000. Paſſus Geometricos, ſive 8. ſtadia, quæ faciunt milliare Italicum.

Secundò pro menſura 2000. paſſuum Geometricorum, ſive 16. ſtadiorum, quæ dicitur *leuca* ſive milliare Hiſpanicum.

Tertiò pro menſura 3000. paſſuum Geometricorum, ſive 24. ſtadiorum, quæ eſt milliare ſive *Leuca Horaria*.

Quartò pro menſura 4000. paſſuum Geo. ſive 32. ſtadiorum, qui faciunt milliare *Germanicum commune*, vel pro menſura 5000. paſſuum Geo. ſive ſtadiorum 40. qui faciunt milliare *Germanicum grande*, ſive *Hungaricum* vel, *Helveticum*.

Gradus Menſuræ. *Germanicum commune*, *leucam* quoque Hiſpanicam facit : quorum 15. conſtat *gradus*, quibus Globi terreſtris ſuperficies dividitur.

Cum

Cum verò secundum *latitudinem* ^{Mensu-}
 tor terrestris divisus sit in 360. gra- ^{ra am-}
 (de quibus infra) quilibetque gradus ^{bitus}
 milliaribus Germ. communibus con- ^{globi}
 t, sequitur ambitum sive *circumferen-* ^{terre-}
stris.
 m globi terrestris maximam esse 5400.
 miliarium dictorum.

Et quoniam invento Archimedis, cir-
 li circumferentiæ ad suam Diametrum
 oportio ferè est uti 22. ad 7. *Diametri*
 us erit miliarium Germ. 1718 $\frac{2}{11}$.

Indicat autem *diameter* profundita- ^{Dia-}
 em globi ab uno superficiei extremo ad ^{metri}
 aliud: vulgo *Axis* vocatur, quia circa ^{sive}
 um globus volvitur. Extrema ejus sunt ^{Axis}
Poli, medium dicitur *centrum*: & linea à ^{essen-}
centro ad superficiem, *semidiameter*: quæ
 linea est miliarium Germanicorum com-
 munium 860.

2. *Figura* globi terreni rotunda est si- ^{Figura}
 ve sphærica, nimirum quoad partes uni- ^{ra glo-}
 versas, quæ in unum corpus rotundum ^{bi.}
 coëunt: non quoad partes singulas, quæ
 sunt montosæ & vallosæ & instar exigua-
 rum cavitatum globo impressarum sese
 habent. De terræ hac rotunditate hodie
 nemo ferè dubitat, cū de hoc non tantū
 indubitatis argumentis, sed & ipsâ expe-
 rientiâ constet. Ex primo *quoad longitudi-*
nem, *rotunditas* probatur ex eo quod Sol,

Luna & reliquæ stellæ nec occidunt nec oriuntur: uno & eodem tempore omnibus terræ incolis; sed tardius occidentalibus & citius orientalibus; *quoad* verò *Latitudinem* probatur, quod progredientibus ab Austro versus Boream, magis magisque elewantur Septentriones sive 7. stellæ ursæ minoris, ipsaque Poli Arctici altitudo cum dierum majori inæqualitate incrementum sumit; & in opposita parte stellæ, circa Polum Antarcticum, sensim effugiunt, ipseque polus magis deprimitur. At qui contrarium iter faciunt iis magis magisque deprimuntur septentriones cum Polo Arctico; aliæque subinde circa Austrum stellæ conspicuæ fiunt.

Secundo terræ rotunditas exactius secundum utramque dimensionem cognoscitur & dijudicatur ex eo; quod sicut juxta longitudinem terræ, differentia temporis cum distantia locorum, ita secundum latitudinem polorum elevatio cum emenso in terram spatio semper proportionalis observatur, & gradui cælesti 15; mill. Germanica in Meridiano, terrestri respondent; quod tibi sola sphærica figura, & nulla alia ob oculos ponet.

C. II. 3. Sequitur ut demonstremus *quomodo*

*modo Situ globus terrestris (respectu cæ-
lestis) diversimode distinguitur Cardini-
bus, circulis, Climatibus, Parallelis & Gra-
dibus: omne enim illud, cui Mundi Cæ-
lique nomen inditum, unum est, & uno
ambitu se cunctaque amplectitur; par-
tibus vero differt, & distinguitur: & qui-
dem primum quatuor; quas Regiones, Cardi-
Plagas, sive Cardines Mundi vocant: quines
sunt ortus, occasus, Meridies & Septentrio.*

Ortus sive orientalis Cardo est in ea
coeli parte ubi Sol directè oritur.

Occidentalis in ea ubi Sol directè occidit.

Meridionalis est directè versus Polum
Antarcticum, ubi Sol medium diei facit.

Septentrionalis plaga est directè versus
Polum Arcticum ubi Sol maxime est
depressus circa medium noctis.

His quatuor aliæ interponuntur re-
giones: uti inter Septentrionem & orien-
tem æquinoctialem *oriens æstivus* & Sol-
stitialis *ortus æstivus* inter orientem æqui-
noctialem ac meridiem: *Oriens Hibernus*
sive *Brumalis* & *ortus solstitialis Brumalis*:
inter septentrionem & occidentem æ-
quinoctialem *occidens æstivus* & *occasus*
Solstitialis æstivus: inter occidentem æ-
quinoctialem & meridiem *occidens Hi-
bernus* sive *Brumalis* & *occasus Solstitialis*
hibernus: ut apertius videtur in typis.






Pag. 89





Pag. 67



Venti
Cardi-
nales

Porro his 4. plagis quatuor quoque *Venti Cardinales* respondent, quorum Nomina atque Regiones sic referuntur ab Ovidio Trist. lib. 1. Eleg. 2.

Nā modò purpureo vires capit *Eurus* ab ortus.

Nunc *Zephyrus* sero *vespere* missus adest:

Nunc gelidus sicca *Boreas* bacchatur ab *Arcto*;

Nunc *Notus* adversâ praelia fronte gerit.

Hæc Græca nomina sunt: latinis ab septentrione flans dicitur *Aquilo*: ab oriente *Subsolanus*; à meridie *Auster*: ab occidente *Favonius*.

Verum ventorum nominibus adeò varios varii, tam veteres quam recentiores auctores, attribuerunt situs, uti unum certum typum ex universorum sententiis componere nequeas. Ceterum mare internum, quod inter Europam, Asiam & Africam diffunditur, navigantes Itali, sic ventos in 16. partes distribuunt: Externum mare sive Oceanum navigantes, Europæi omnes, Germanicis utuntur vocabulis; variè tamen ad suam quique linguam detorquentes: Germani in 32. nomina distribuunt, uti ex typis hisce, commodius perspicitur.

Secun-

Secundò distinguitur superficies glo- C. III.
bi terrestris in *Circulos majores & minores.*

Majores sunt qui globum in duas par- *Circuli*
tes æquales dividunt; quales sunt. *Æqua. Majo-*
tor, zodiacus. Horrizon, Meridianus ex his *res glo-*
priores duo Fixi & immutabiles dicuntur, *bi.*
quod eundem perpetuò locum in globo
obrineant, ideoque in globi superficie
pingantur: *posteriores mobiles* sive muta-
biles dicuntur; quod multipliciter pro
variâ Regionum atque locorum muta-
tione, mutantur: ideoque extra globi su-
perficiem designantur.

1. *Æquator, qui & æquinoctialis* circulus 1.
dicitur & *aquidialis*; est *circulus* quinq; pa- *Circu-*
rallelorum maximus, qui globum in duas *lus Æ-*
partes æquales, septentrionalem, & me- *quino-*
ridionalem, sive in duo hæmisphæria sep- *ctialis,*
tentrionale & meridionale, dividit, æqua-
li spatio ab utroq; Polo distans. Hunc cir-
culum cum Sol attingit, æquale roto or-
be efficit diei ac noctis spatium: Bis autè
fit in anno quod Sol directè sub hoc cir-
culo volvitur: semel 11. die Martii, stili
Juliani, in principio Arietis, iterumque
13. Septembris, quo Sol ingreditur pri-
mum gradum Libræ, diciturque *Æqui-*
noctium Autumnale, & prius *Vernale.*
Germani hunc æquatorem de *Linie*
vocant, quasi de *Middel-linie.*

2. Alter

2.
Zodia-
sim.

2. Alter Circulus Major *zodiacus* appellatur, qui inter globi Polos obliquè locatus, ex una parte Tropicum æstivum in principio Cancrî; ex altera Hibernum, in principio Capricorni adprehendit, mediumque interfecat Æquatorem, ab eoque vicissim secatur, circa principia Arietis & Libræ: ita uti altera ejus medietas ab æquatore ad Polum Arcticum, altera ad Antarcticum declinet: dividitur in 12. partes, quæ signa vocantur; unde signifer dicitur; horum nomina sunt & signa hæc.

Aries. ♈	Taurus. ♉	Gemini. ♊
Cancer. ♋	Leo. ♌	Virgo. ♍
Libra. ♎	Scorpius. ♏	Sagittarius. ♐
Capricornus ♑	Aquarius. ♒	Pisces. ♓

Horum signorum priora sex septentrionalia; posteriora Australia sunt, & directo sibi invicem in cœlo apposita: ut signum primum primi versus directè opponatur signo secundi versus, & sic dein-

deinceps: ita ut, cum Luna obscuratur in Libra; Sol versetur in Ariete; quia Luna est in primo signo Meridionali, & Sol in primo signo Septentrionali. Singulis vero signis 30. tribuuntur gradus, qui computati 360. in universum conficiunt, in quos totus distribuitur orbis terrarum.

3. *Horizon*, latinè Terminator & Finitor, duplex est, alter qui ratione & intellectu percipitur, alter qui sensu: *illeg* ^{Horizon} in duas æquales partes dividit universam Mundi sphaeram, ita ut alterum hemisphaerium super terram extet, alterum sub terra condatur. Hic quoad usque, in campo patenti, oculorum acies undique pertingere potest, extenditur: dividens partem orbis quæ à nobis videtur, ab ea quæ non apparet. Hujus Horizontis sensibilibis diameter est 5. fere mill. Germanicorum: tam procul enim oculorum bene affectorum acies, in planitie patenti, ubi nihil obstat, pertingere potest. Mutabilis dicitur atque multiplex Horizon, quia non potest mutari locus, quorsum eas, quin una varientur Horizon, Regio & Cælum: atque hac ratione infiniti possunt fingi Horizontes. Porro Horizontis duo sunt Poli, quorum alterum Arabes *semith*, vulgo *zenith* vocant, estque pun-

punctum perpendiculariter vertici nostro incumbens : alterum vulgò *Nadir* proprie *Nathir* vocant: superiori ad diametrum oppositus; Antipodum cervicibus incumbens.

4. *Meridianus* quoque Circulus mutabilis est, qui per Polos mundi & datu cujuslibet loci verticem, ductus, *Æquinoctialem* ex transverso interfecat; totumque terræ orbem in duas partes dispescit, altera ejus medietate ad ortum, altera ad occasum relicta: ita dictus quod Sol, cum in nostro Hemisphærio eum attingat, apud nos & omnes eos qui sub eodem Meridiano, Septentrionem Austrumve versus, sunt positi, facit medium diei; ac rursus medium noctis, cum in inferiore Hemisphærio ad eundem perveniat: *Mutabilis* dicitur, quia tantillum ortum Occasumve versus progrediaris, alius continuo erit meridianus, ita ut infiniti possint constitui meridiani.

C. IV. Sequuntur *Circuli Minores* qui globum in duas partes inæquales dividunt, & vocantur *Tropici* & *Polares*.

Tropici duo sunt æquali spatio grad. 23. 31. ab æquatore distantes: quorum alter, qui nobis propinquior *Tropicus Cancræ*, alter in Austrum vergens vulgo *Tropicus Capricorni* dicitur; Latini, *Solstitiales*

riales appellant, propterea quod Solstitia in iis fiant, hosce quippe circulos Sol nunquam egreditur; verum cum ad alterum eorum pervenit, regreditur, & propter insensibilem suum regressum aliquot diebus quasi stationem facere videtur, licet revera unica tantum die in ipsis circulis hæreat, & mox revertatur unde & nomen acceperunt $\Delta\pi\iota\tau\eta\varsigma\tau\epsilon\omicron\pi\eta\varsigma$ 1. à reversione.

Tropicus Cancræ (qui & æstivus dicitur, & septentrionalis circulus, quod Septentrioni sit proximus,) à Sole designatur in altissima æstate, id est eo die quo movetur per primum gradum Cancræ, nobisque proximus est, & facit diem longissimum, noctemque brevissimam.

Tropicum Capricorni (qui & Hibernus dicitur & Australis.) Sol designat eo die, quo versatur in primo gradu Capricorni, & à vertice nostro est remotissimus, facitque diem brevissimum, noctem vero longissimam.

Polares Circuli ad eandem à Polibus mundi distantiam, quam habent Tropici ab Æquinoctiali sive Æquatore (id est gradus 23. min. 31.) describuntur. Suntque itidem duo: Arcticus & Antarcticus.

Arcticus est qui Polo zodiaci Arctico I. Arcticus fivetur.

sive septentrionali subjicitur, & vergit ad Polum globi septentrionalem sive Arcticum ursalemve, qui nobis semper conspicuus est.

2. *Antarcticus*, Arctico ex diametro oppositus, Polo meridionali subjicitur; & totus sub terra conditus ejus, objectu à nobis cerni non potest: idem Austrinus sive Australis & meridionalis dicitur.

Ca v. Per quatuor hosce circulos minores *Zonas* globus terrestris, ab aëris temperie vel intemperie, in *zonas* describitur & dividitur quinque, quarum una *Torrida*, duæ *Frigida*, & duæ *temperata*, à situ nominantur sive habitudine & natura:

Torrida. *Torrida zona*, quæ & *Media* dicitur est spatium in globo terrestris duobus circulis tropicis inclusum. Medium ejus duplex est, nempe *aquinoctialis* & *zodiacus* sive *Ecliptica*; quæ est perpetua solis via ac limes: torridaque vocatur, propter perpetuum solis ibi ardorem, unde à vetustioribus credita fuit inhabitabilis: spatium ejus, inter duos Tropicos comprehensum, continet in latitudine gradus 47. nimirum ab æquatore versus septentrionem gradus 23. cum dimidio, & totidem ab æquatore versus meridiem.

Populi hanc zonam inhabitantes dicuntur *ἀμφιπόριοι* qui duas habent umbrarum meri-

meridianarum differentias, eo quod Sol ab utròque verticis, seu zenith eorum latere incedit: itaque umbræ, quando Sol est in signis borealibus, tendunt ad Austrum; quando vero in Austrinis ad Boream: insuper *dies noctibus perpetuò æquales*: & Solem in anno *bis verticalem habent*, & tunc omni umbra destituuntur; calorque ibidem est intensissimus, fitque hoc in punctis æquinoctialibus, quando Sol est in principio Arietis & Libræ. *Quatuor* vero habent *Solstitia*, duo alta, in punctis æquinoctialibus; & duo ima in punctis solstitialibus, & tum aërem mitiorem habent, æstumq; debiliorem, solemque à verticali puncto (zenith) remotissimum. Illis etiam omnes stellæ & circuli cœlestes pariter oriuntur & occidunt: hoc est, quæ unà & simul apud illos oriuntur, illa unà etiam occidunt; & vice versa.

Due extremæ, quæ sunt circa mundi *Zona* 2 Polos, *zone*; altera *Septentrionalis* circa *frigida* Polum Arcticum; alrera *Australis* circa Antarcticum, *Frigida* vocantur, quia longissimè à Solis via sepositæ sunt, & ob nimium frigus itidem inhabitabiles veteribus existimabantur: hodieque, utrum homines in *Australi* habitent, & quinam illi sint, nos adhuc later; in *Septentrionali*, vero sunt Lappia, Islandia, Groen-

Groenlandia, Spitsbergen, & illis vicinæ Regiones, nobis usque quaque nondum cognitæ: à Polis etiam hæ zonæ *Polares* vocantur, & complectitur quæque gradus 23. cum dimidio: incipiunt enim à gradu 66. cum dimidio, desinuntque in 90.

Utriusque habitatores dicuntur *Περικ-
σιος*, quia umbræ corporum spatio 24. horarum vertuntur in orbem, cum Sol in signis Septentrionalibus versans, nunquam illis occidat. Notandum enim quod qui sub Polo directe habitant, *illum Horizon est Æquator*, diesque longissimus sicut & nox longissima *sex continuè mensium*: ita ut Sole in signis septentrionalibus morante, sub Polo Arctico habitantes diem semestrem habeant: & illorum Antipodes, qui sub Polo Antartico habitant, noctem continuam semestrem; & vice versa: Hi, Sole existente in signis meridionalibus, diem, illi noctem perpetuam habent.

Zona Reliquæ duæ *zona temperata* dicuntur, quarum una *Septentrionalis* inclusa est inter Tropicum cancri & Arcticum Polarem: altera *Meridionalis*, quæ Tropico Capricorni & Polari Antartico includitur: & unaquæque complectitur gradus 43. Hæ, inter frigus & ardorem positæ

positæ, præ ceteris *habitabiles sunt*; quamvis Meridionalis non adeò exulta sit ut Septentrionalis, neque propter frequens mare adhuc tota cognita. Incolæ harum zonarum vocantur *εγεσσιος* quia umbræ meridianæ semper in unam mundi plagam, versas alterutrum Polum tendunt, scilicet, in Boream apud eos qui infra Tropicum canceri & circulum arcticum habitant: in Austrum apud illos, qui degunt intra Tropicum Capricorni & circulum Antarcticum: ideoque solem nunquam habent verticalem, & duo illis tantum sunt solstitia, una æstas & una hyems. Contra fit in *zona torrida* nam uti ibi sunt 4. solstitia; ita & duæ æstates, duæque hyemes; & quando unius zonæ habitatores habent æstatem, alterius incolæ habent hyemem; & vice versa.

Veteres quoque pro diverso habitationum oppositarum situ terræ globi incolas distinxerunt in *Periacos*, *Antacos* & *Antipodes*.

Periaci sunt qui habitant sub eodem *Peria-* parallelo & meridiano; sed in diversis *ci.* meridiani semicirculis; hi communes habent anni tempestates, ut veris, æstatis, autumnis, & hyemis: item temperiem Aëris, incrementa & decrementsa die:

dierum & noctium, eandemque inhabitant zonam. Differunt vero in eo, quod uni sit meridies cum alteri est media nox.

Antaci. *Antaci* sub eodem degunt semi meridiano; sed in diversis parallelis, unus nempe in tantum Boreali, in quantum alter est Australis. His communis est meridies & media nox, sed discrimen in tempestatibus anni: unius enim æstas, alterius est hyems; horumque dies longissimi, sunt illis brevissimi: occupant quidem utrique zonas temperatas, sed diversæ conditionis & denominationis.

Antipodes. *Antipodes* sunt, qui habitant in oppositis parallelis, & diversis Meridiani semicirculis; hoc est qui opponuntur & diametro, pedesque habent pedibus, directè obversos. His omnia contraria accidunt, ut tempestates anni, dies ac noctes; eundem habent Horizontem sed oppositum: & quoties Sol stellæque apud hos oriuntur, occidunt apud illos, & contra.

C.vi. *Paraleli & clima.* Tertio globi terrestris superficies, respectu cœlestis, dividitur in *Parallos & climata*, versus Boream scil: & Austrum; secundum varia incrementa longissimæ diel.

Paraleli. *Paraleli* sunt terræ spatia quibus dies lon-

longissimi maximi five æquinoctiales quadrante horæ ab invicem differunt & augentur.

Climata sunt terræ spatia, secundum quæ dies longissimi augentur, & à se invicem differunt, horæ semisse five media horâ: ita ut quodlibet clima duos in se comprehendat parallellos.

Distinguuntur autem in *septentrionalia* & *Australia*; utraque ab *Æquatore*, versus suum quæque Polum, initia ducentias; ideoque quorum aliquot clima fuerit ab *Æquatore*, tot semihoris longissimus ejus loci dies superat diem nocti æqualem: & vice versa, ut scire queas sub quo Parallelo & climate quilibet locus positus sit, considera numerum horarum, cujus longissimus ejus loci dies superat diem sphaeræ rectæ (qui semper horarum est 12.) is enim duplicatus ostendit numerum climatum; quadruplicatus exhibet numerum Parallelorum.

Ac certum quidem est ab æquinoctiali circulo, ad eum locum ubi dies longissimus horis 24. definitur, (quod fit ad elevationem usque graduum 67.) climata interjacere 24. Sed inde ad Polum, climatum distinctio minus certa est, propterea quod non jam horis dimidiatis, sed integris primum diebus, mox

Clima- ta.	Paral- leli.	Dies lon- gissimi.		Latitudo.		Intervalla Climatum	
		Hor.	Scr	Grad.	Scr.	Grad.	Scr.
0	0	12	0	0	0	4	18
	1	12	15	4	18		
1	2	12	30	8	34	8	25
	3	12	45	12	43		
2	4	13	0	16	43	7	50
	5	13	15	20	33		
3	6	13	30	23	10	7	3
	7	13	45	27	36		
4	8	14	0	30	47	6	9
	9	14	15	33	45		
5	10	14	30	36	30	5	17
	11	14	45	39	2		
6	12	15	0	41	22	4	30
	13	15	15	43	32		
7	14	15	30	45	29	3	48
	15	15	45	47	20		
8	16	16	0	49	1	3	13
	17	16	15	50	33		
9	18	16	30	52	58	4	44
	19	16	45	53	17		
10	20	17	0	54	29	2	17
	21	17	15	55	34		
11	22	17	30	56	37	2	0
	23	17	45	57	34		
12	24	18	0	58	26	1	40
	25	18	15	59	14		
13	26	18	30	59	59	1	26
	27	18	45	60	40		

14	28	19	0	61	18	1	13
	29	19	15	61	53		
15	30	19	30	62	25	1	1
	31	19	45	62	54		
16	32	20	0	63	22	0	52
	33	20	15	63	46		
17	34	20	30	64	6	0	44
	35	20	45	64	30		
18	36	21	0	64	49	0	36
	37	21	15	65	6		
19	38	21	30	65	21	0	19
	39	21	45	65	35		
20	40	22	0	65	47	0	22
	41	22	15	65	57		
21	42	22	30	66	6	0	17
	43	22	45	66	14		
22	44	23	0	66	20	0	11
	45	23	15	66	25		
23	46	23	30	66	28	0	5
	47	23	45	66	30		
24	48	24	0	66	31	0	0
		<i>Menses.</i>					
		1		67	15		
		2		69	30		
		3		73	20		
		4		78	20		
		5		84	0		
		6		90	0		

septimanis, ac tandem totis mensibus, dies ita augeantur, ut sub ipsis Polis, hemisphæriorum alterum 6. mensium luce perpetua exsiccetur, altero in densissimis tenebris languente.

Cæterum quæ ratio est Climatum ab Æquinoctiali ad Arcticum versus: eadem est ab Æquinoctiali versus Antarcticum, & par numerus. Sed ut singulorum Climatum & Parallelorum latitudines ab Æquinoctiali, intervalla ab invicem, & maximorum dierum longitudes, facilius percipiantur, tabulam hîc adponemus: quæ & graduum segmenta repræsentat.

Gra- Quarto enim globi terrestris superfi-
du. cies respectu cælestis dividitur in segmenta minora, quæ *Gradus* vocant suntque vel *longitudinis* vel *latitudinis*.

Longi- *Longitudinis* gradus describuntur *per*
tudini *circulos meridianos*, initio hodie facto ab Azoribus sive Flandricis insulis. Horum Circulorum 36. numerantur in globo, continentes singuli 10. gradus: qui numerus denarius multiplicatus cum 36. facit gradus 360.

Latitu *Latitudinis* gradus distinguuntur *per pa-*
dinis. *rallelos*: quos ab æquatore ad alterutrum Polum 9. faciunt, continentes singuli 10. quoque gradus, quo numero novenario quæ-

quadruplicato eveniunt in universum 36. paralleli (ut in longitudine circuli) qui numerus cum 10. multiplicatus conficit rursus 360. gradus.

Terra itaque, quemadmodum sphaera, in 360. partes, qui grad. dicuntur, distribuitur: & singuli *gradus* dividuntur in 60 *scrupulos* sive *minuta*, qui sunt totidem millia passuum Romanorum sive millia-ria Italica: horum 4. conficiunt unum milliare Germanicum commune. Hinc singuli grad. continent 15. milliaria Ger-
manica: quæ computata sive multiplica-
ta cum 360. conficiunt milliaria Germ. 5400. quæ est circumferentia totius glo-
bi terrestris: ejusque diameter (ut supra cap. 1. ostendimus) in sua crassitie sit
milliarium 1718 $\frac{2}{3}$ cujus semidiameter à
superficie ad centrum est mille 859 $\frac{1}{3}$

Hæc de *Exteriore* globi terrestris co-C.vii.
gnitione ejusque *Magnitudine*, *Figura* & *Motus*
vario situ respectu globi cœlestis cui di-globi
recto subicitur: Atqui eadem ejus manet ^{Terre-}
facies & distinctio, sive verum sit, quod ^{stris.}
Sol per Eclipticam circa globum ter-
restrem ut centrum immobile; sive,
quod ipse globus terrestris, per eandem
Eclipticam circum Solem, ut centrum
quiescens, quotidie rotetur.

Duplex namque hodiernorum Astro-

nomorum est sententia, de centro mundi & motu corporum cælestium. Aliqui
 „ Terram in centro mundi ponunt im-
 „ mobilem, & Solem cum omnibus
 „ stellis, tam fixis quam erraticis, circa
 „ eam rotari in orbem. Alii Solem sta-
 „ tuunt in centro mundi quiescere, &
 „ Terram cum planetis aliis circa eum
 „ verti, sphaeramque stellarum fixarum
 „ prorsus immobilem. Prioris sententiæ
 fuerunt Timochares, Hipparchus, Pro-
 lomæus & illorum affectæ usque in diem
 hodiernum: Posterior testimonio vete-
 rum scriptorum antiquior est, sed cum
 aliis multis scientiis temporum injuria
 intercidit. Aristarchus Samius Philoso-
 phus celeberrimus, hanc primus in Græ-
 cia protulit, sed mox damnata & vi su-
 pressa fuit: verum eandem aut similem
 de constitutione mundi sententiam ante
 annos circiter 100. tanquam è tenebris
 in lucem revocavit Nicolaus Coperni-
 cus vir planè incomparabilis, quem se-
 cuti sunt plures Astronomi & Mathe-
 matici doctissimi:

Ratio quæ Prolomæum movit est,
 quod eo modo omnia in cælis appa-
 reant nobis spectantibus: Sed hanc ra-
 tionem, ut fallacem, Copernici, rej-
 ciunt: Nam si statuamus cum iis, glo-
 bum

bum terrestrem singulis 24. horis circum Polos suos verti ab occidente versus Orientem, & orbem stellarum fixarum esse immobilem, videbuntur nobis omnia ejusdem cæli ab oriente occidentem versus moveri, sed revera ita non fit, quia motus quem imaginamur nobis inesse cælo, revera inest terræ: insuper plures præferunt rationes quibus sententiam suam confirmant, & contrariæ opinionis objecta refellunt, quarum potissimas breviter recensebo.

Primum dicunt quod Ptolemaica hypothesis pugnet ex diametro cum ordine, à Deo in rerum natura, constituto, qui est: ut stellæ in minoribus sphaëris velocius moveantur, in majoribus tardius: *Luna* enim minimam cæli sphaëram adepta, cursum suum perficit spacio mensis: *Mercurius* diebus 80. *Venus* 9. Mensibus: *Sol* sive *Terra* anno: *Mars* 2: *Jupiter* 12. *Saturnus* in maxima sphaëra, 30. annis: Et cum sphaëra fixarum, infinito pœne intervallo *Saturno* altior sit, aut quies ei aut tardissimus motus competit, & minime velocissimus ille diurnus. Atqui *Copernicus* ordinem Naturæ secutus rapidissimum hunc 24. horarum motum tribuit *Æquinoctiali* terrestri quo minor in Cælo circulus non datur.

Secundò dicunt non minus absurdum esse quod octo Sphæris, magnitudine adeo diversis, motum æquè velocem tribuat Ptolomæus, & non proportionalem; vanumque dicunt commentum esse, de sphæra nona, quæ reliquas vi sua in occidentem raperet.

Tertiò dicunt alienum esse à recta ratione quod motus Diurnus octavæ Sphæræ adscribarur; nam inhærentia ei sidera nunquam mutant situm; sed easdem distantias inter se perpetuò retinent; unde colligitur eam aut esse immobilem, aut tardissime moveri.

Quartò: quod Sphæræ cœlestes diurno hoc motu non indigeant, sed sola Terra, quæ omnium, quæcunque sine suo gestat, mater, eadem Soli exponit fovenda & reficienda.

Quintò: quod terræ non quies, sed perpetua agitatio propriè conveniat, uti quæ ex 4. constat elementis, quæ ex Dei instituto assiduè in se mutuò operantur: unde non modò nulla quies in eam cadit, sed mutationum tanta est diversitas, ut singulis fere momentis facies ei mutetur, vereque Paulus 1 Cor. 7. 31. dixerit, mundi hujus figuram præterire.

Sextò ajunt, & hoc ἀπορον esse, quod contrarios simul motus in cœlo ponat Ptolomæus.

Ptolomæus, cum nulla Sphæra in ortum & occasum simul moveri queat: unde verè dicitur *alterum* eorum motuum ab occasu in ortum *verum* esse, *alterum apparentem*, ab ortu in occasum.

Postremo dicunt, Alterutrum necessario statuendum; nempe, aut sphæram Saturni octavam quotidie circumire, quiescente terrâ, aut hanc, immota illa; sed prius impossibile ajunt, quia non datur Corpus physicum quod tam parvo temporis spatio, sive momento, tot miliaria (1000 scil. plura) percurrat: atq; ita concludunt motum diurnum, non in sphæram fixarum aut Saturni, sed in solam terram cadere: quæ decimam sextam tantum milliaris partem, unico momento percurrendam habet; quantam etiam pila, è tormento æneo explosa, eodem temporis spatio conficit, atq; hanc rationem adeò firmam & evidentem affirmant, ut nemo ei cum ratione contradicere possit.

Contrariæ verò opinionis rationes sic solvunt, quæ fere sunt istæ: Primum, dicunt Animalia & quæcunque terra sustinet, in aërem casura, deserto terræ globo: quin & ipsam celerrime per cœlum ruituram, si ita volvetur Terra: ad quod *respondent*, hoc incommodum magis re-

futare motum 8. sphaeræ: quæ unico momento 643848. milliarius Geom. absolvenda haberet; cum terra tantum decimam sextam unius milliarii partem absolvat: *verum ajunt* quod terræ hic motus sit naturalis, & non violentus; & quicquid à natura fit rectè, se habet & conservatur in optima suâ compositione: deinde quod omne id quod terra gestat, quomocunque moveatur, normaliter semper ei insistant: graviumque satis validæ gravitatis sua ad centrum propensione globosam terræ formam, & motum comitante, nihil eorum deserat, aut in aërem excutiat: non aliter quam Navis, quæ totum terræ globum circum-navigans, quia recto semper angulo aquas premit, nec seipsam nec quicquam eorum quæ vehit, in aëre destituit.

Secundò dicunt, si terra motu diurno moveretur in orientem, quicquid extra est, videbitur moveri in occidentem; ut nubes, pluvia, grando, Nix, Aves, sagittæ, Lapides, aliaque sursum projecta, quorum tamen motus non tantum in orientem, sed versus quamvis mundi plagam tendunt: ad quod respondent, globum terræ continere quoque aquam & aërem: & sic extra terram tantum sunt,
pla-

planetæ, stellæ fixæ, & aliæ stellæ novæ, quarum motus in occasum diurnus cuilibet est conspicuus: Sed hic rursus instant, dicuntque: motâ terrâ & aëre in orientem, particularium in eo motuum tarditas aut celeritas non poterit discerni, præveniente semper velocitate motus terreni: sed contra *est ergo: cui respondent.* quod horum motuum alter alterum neutiquam tollat: sed commodè discernantur: illius ex Solis diurno, Lunæ fixarumque nocturno motu: hujus (scil: particularium rerum) ex particularibus in terra signis facile deprehenditur. Non secus ac si Navis plenis velis in orientem æquabili cursu feratur: in qua nautæ se contrariis & diversis motibus movent: ex objecto extra navem dato cognoscitur velocitas cursus ejus & mensura: nautarum vero peculiares in quamlibet mundi plagam motus, ex objectis, quæ intrâ navem præstò sunt, facile dignoscuntur: Ideòque nec unius motus, alterius motui obstat, eumve ullo modo alterat: ita ut si aliquis, intra foros, pondus ad carinam, navis dimittat, id quidem cum Navi in orientem feretur, sed non extra suum perpendiculum, quia Navis, Aër & Pondus uno eodemque motu concita, eundem inter se situm

retinent. Eodem modo, si demittatur ex alta Turri Pondus, motu terræ diurno, non abit extra suum perpendiculum, quia Tutris, Terra, Aër & Pondus, simul promota ad se mutuo situm servant.

Tertiò dicunt Terram, ob gravitatem suam, inhabilem esse ad hunc motum Diurnum: Ad quod respondent. Si terra ad gravitatem inepta ad motum, erit & inepta ad librationem & quietem in Aëre: imò gravia in aëre moveri minus novum quam quiescere: nemo enim miratur lapidem sursum jactum per aërem ferri; sed eum in sublimi quiescere nemo unquam vidit: *servitque hac ratio*, non refutando sed astruendo motui terræ, quippe sine quo motu eam in aëre pendere impossibile sit: cum & aves ipsæ, cessante alarum & corporis agitatione, aliorum instar gravium, in terram subsidant. Terra igitur, cum sit corpus gravissimum, sine motu in aëre pendere nequit, sed ex lege perennis librationis semper in eo movetur.

Quartò, ab auctoritate sacræ Scripturæ coeli motum & terræ quietem probant: illum *Eccl. 1. 5. Psalm. 19. 6. 7. Matb. 5. 45. Iosue 10. 12. 13: 2 Reg. 20. 11.* hanc. *Pf. 24. 2. & 105. 4.* ad quæ omnia respon-

respondent. Harum quæstionum fundamenta ex Astronomia & Geometria, non ex S. Scriptura petenda esse: Hæc enim (uti Apost. 2 *Tim.* 3. 6 ait) utilis est ad doctrinam, redargutionem, emendationem & institutionem, quæ est in iustitia; non vero ad institutionem, quæ est in Geometria & Astronomia: Neutiquam enim harum artium fundamenta tradere voluit Spiritus S. Scripturarum Auctor: sed eæ suis principiis nixæ, non ex libris S. Scripturæ sed eorum qui in illis fuere versati, rectè discuntur; unde Moses non ex S. Scriptura, sed ab Ægyptiis eas didicisse legitur *Act.* 7. 12. & Daniel cum sociis easdem accepisse ex institutione Chaldæorum *Dan.* 1. 4. 10. Quin & 1 *Reg.* 7. 23. & 2 *Chron.* 4. 2. Balnei ærei diameter 10. statuitur ad peripheriam 30. id est 7. ad 21. cum revera diameter ad peripheriam sit ut 7. ad 22. ferè: itaq; rectè videntur respondere in his omnibus Spiritum S. (alteri instituto intentum) populari & recepto more loqui, & non quod revera est, sed quod nobis videretur, tradere: quod hinc aperte apparet, ubi Propheta *Psam* 19. 5. 6. de Sole sic canit, quasi dimidium tantum orbis terreni partem illustraret, & in cubili ad Auroram quiesceret. & ubi idem

Pfal. 24. 2. proponit, non quod est, sed quod videtur, nimirum Deum fundasse Terram super maria: mare enim nusquam sibi ipsi, sed ubique terræ innititur, ut levius graviori, & qui contrarium tentaret, nihil ageret, juxta doctrinam Salvatoris nostri Christi. *Matth. 7. 24.*

C.VIII Hæc quoad motum Terræ vel Solis
Motus Diurnum. Quantum ad Annuum Mo-
Terra tum attinet: quamvis dicant & demon-
annu- strent, omnes apparentias, quæ à quiete
us. terræ, & motu annuo Solis in cælo pro-
 veniunt, æquæ tales esse per motum
 Terræ & quietem Solis: Terræ tamen
 realem, per Eclipticam, motum ascri-
 bunt, & Soli apparentem tantum: id-
 que probant *Primò* ex *Motu Luna*, ut
 qui non esset Cælo consentaneus, si
 Terra in centro Mundi quiesceret: esset
 verò, si Terræ motus in Ecliptica tri-
 buatur: Nam teste ipso Ptolomæo, Luna
 tantundem semper in longitudinem
 zodiaci movetur, quantum ipsa in suo
 orbe, & Sol in Ecliptica progreditur,
 quod fieri nullo modo posset, nisi &
 Terra in Ecliptica fieret mobilis: nam si
 hanc immotam statuas in centro mundi,
 Luna tantum semper à cursu suo in E-
 cliptica deficiet, quantum Sol interim
 procedit: Sed si eam cum Copernico in
 Eclip-

Ecliptica mobilem facias, videbis motum Lunæ in longitudinem perfectissime componi ex motu ejus in proprio orbe, & Solis in Ecliptica: quod ut assequaris, Solem in centro, Terram in Ecliptica constitues, & sic motum Lunæ, undique cælo congruum facies: uti latius figuris demonstrant.

Secundò idem probant, à Motu quinque reliquorum Planetarum; dicuntque ex motu terræ annuo tria sequi: *Primò*, Planetas reliquos, Mercurium, Venerem, Martem, Jovem & Saturnum tantundem moveri in zodiaco, quantum singuli procedunt in suo orbe, & terra in Ecliptica: Nam cum *terra* (ex qua illorum *motus* spectatur) locum continuè mutet in *Eclipticâ*, necesse est eum componi ex Motu *terra*, & singulorum in proprio orbe, quod ut certum, ita in cælo manifestè est conspicuum, docente Ptolomæo lib. 9. magni operis cap. 3.

Deinde dicunt sequi dictos Planetas per *Zodiacum*, alios *directò*, alios *retrogrado* motu incedere interdum etiam *stare*. Nam prout *Terræ Diarius motus* se habet ad *Diarium* cujusque planetæ, ratione tarditatis aut velocitatis: ita illud sibi attemperans, facit ut nunc *directè* nunc *retro* moveri, aut quasi *stare* videat-

videatur. Quæ cum in cælo ita appareant, (docente Ptolomæo lib. 12. magni operis) inferunt deuoð Terram, non Solem in Ecliptica moveri; quæ harum apparentiarum unica & genuina est causa.

Tertiò sequi dicunt, tres superiores *Saturnum, Iovem & Martem*; *Acronyſtes*, eſſe terræ propriores, quam circa eorum *Apparitionem*, aut *occulſionem*.



Nam

Nam centro A. descripto orbe Terræ B I. Martis, C H. Jovis, D. G. & Saturni E F. Soleque in Centro A. Terra in B. Marte in C. & H. Jove in D. & G. Saturno in E & F. ita constitutis ut omnes in eadem sint recta linea EF. dicunt eos Soli A oppositos in DCB. Terræ B. multò prioriores esse, quam ei conjunctos in HGF. Martem enim si colloques in C. distantia ejus à Terra erit recta B. C. Sed cum versantur in H. Linea H. B priori multò major. Idem fit in Saturno & Jove: Sunt enim Terræ B. multò viciniore in E. & D. quam in F. & G. Id quoniam à Motu terræ in *Ecliptica* proveniens semper in cœlo ita apparet (etiam testimonio ipsius Ptolomæi lib. 10. cap. 6.) nemini dubium esse posse statuunt, quin Hypothesis Copernici sit vera, cum hoc Phænomenon, ut & præcedentia necessario inferat & comitem trahat.

Jam verò posita & concessa hac opi- C. ix.
nione qua terra ab occidente in orientem *Quantitas*
spatio diei semel convertitur, omnes Re- *motus,*
giones sub *Æquatore* sitæ, intra 24. ho- *terra,*
ras percurrent milliaria 5400 in cir- *diurni.*
culum, & sic singulis horis milliaria
225. & singulis minutis 3 cum 3 quar-
tis. At in quantum paralleli ad diver-
sas latitudines, tam boreales quàm Au-
strales,

strales, minores sunt æquatore; in tantum quoque proportionaliter Regionum sub iis parallelis sitæ minorem miliarium numerum in cursu suo faciunt & obsolescunt: ut patet ex Tabella sequente in qua prior columna exhibet gradus Latitudinis cujusque paralleli; posterior longitudinem ejus in miliaribus Germanicis.

Tabula longitudinis Parallelorum, in Mill: Germanicis, quorum æquator continet 5400.

Grad. Latit.	Milliaria Germanica.	Grad.	Milliaria Germanica.	Grad.	Milliaria Germanica.	Grad.	Milliaria Germanica.	Grad.	Milliaria Germanica.
1	5399	19	5106	37	4313	55	3079	73	1579
2	5396	20	5024	38	4255	56	3020	74	1488
3	5392	21	5042	39	4197	57	2941	75	1398
4	5387	22	4007	40	4137	58	2851	76	1306
5	5379	23	4971	41	4075	59	2781	77	1215
6	5370	24	4933	42	4013	60	2700	78	1123
7	5359	25	4894	43	3949	61	2618	79	1030
8	5347	26	4853	44	3884	62	2535	80	938
9	5334	27	4811	45	3818	63	2451	81	845
10	5318	28	4768	46	3751	64	2367	82	752
11	5301	29	4713	47	3683	65	2285	83	658
12	5282	30	4676	48	3613	66	2196	84	564
13	5262	31	4629	49	3543	67	2110	85	471
14	5240	32	4579	50	3471	68	2023	86	376
15	5216	33	4029	51	3398	69	1935	87	283
16	5191	34	4477	52	3324	70	1847	88	188
17	5164	35	4423	53	3250	71	1748	89	94
18	5136	36	4369	54	3174	72	1669	90	0

Si igitur scire cupis quantum spatium locus, cujus latitudo ab æquatore nota est, percurrat intra 24 horas, latitudinem quære in hac tabella, & invenies è regione milliaria quæsita: Exempli gratiâ: Si scire desideras quot milliaria Roma (cujus latitudo est 42 graduum) intra 24 horas percurrat ab occidente in orientem, quære in tabula latitudinis gradum 42. & habebis è regione milliaria 4013. quæ Roma permeat singulis 24. horis: his divisus per 24. prodeunt milliaria $167\frac{1}{2}$ quæ Roma percurrat ad singulas horas. Rursus ut constet quot milliaria Lutetia Parisiorum (ad latitudinem 48. gradus 40. min.) singulis diebus conficiat, quære in tabula latitudinem graduum 48. & 49. quia urbs hæc sita est inter utrumque hunc parallelum, & invenies numeros milliarium 3613. & 3543. ex his quære numerum proportionarium, ad 40. minuta excedentia latitudinem 48. graduum: aut 20. minuta deficientia à latitudine 49. graduum inveniesque milliaria 3566. quæ Lutetia singulis 24. horis percurrat: illa divide per 24. & provenient millia $148\frac{1}{2}$ quæ urbs ista conficit spatio horæ: & ita deinceps de cæteris.

Præ-

Quantitas
motus
annui
terra.

Præterquam verò quod omnes, (ut ostendimus) per motum terræ diurnum circa proprium ejus axem convertimur citius tardiusve, prout plus minusve distamus ab æquatore: insuper per motum ejus annum de loco in locum per cælum circa Solem circumvehimur: Quantum autem ille motus sit intra datum tempus ex sequentibus licet intelligere: Diameter orbis magni terræ circa solem continet, juxta hypothesin Tichonis Brahei, 1142. terræ diametros.

Et quoniam ex invento Archimedis circumferentia circuli, ad suam diametrum, proportio est, ut 22. ad 7. viâ Terræ circa Solem patet diametris terrenis 3589 $\frac{1}{2}$. Diametri autem Terrenæ, ut supra ostendimus, est milliarius 1718 $\frac{2}{7}$. Si ergo prædictam amplitudinem viâ Terræ multiplicemus in milliaria 1718 $\frac{2}{7}$. Diametri Terrenæ prodeunt milliaria propemodum 6166800. quæ terra circa Solem percurrit intra annum naturalem, dierum 365 $\frac{1}{4}$ horarum 6. ferè: quod si jam dividamus numerum istum milliarius 365 $\frac{1}{4}$, proveniunt milliaria 16883 $\frac{379}{487}$ quæ Terra permeat intra diem. His divisis iterum per 24, exeunt milliaria 703 $\frac{29}{487}$ quæ terra absolvit spatium horæ. Deniq; si hæc milliaria dividantur

dantur per 60. prodeunt milliaria 11 ¹/₈ ⁵/₈
 quæ terra percurrit intra unum tempo-
 ris minutum. Sed de his pro nostro in-
 stituto satis.

Atq; huc usq; de *Exteriore* Geogra-
 phia : sequitur *Interior*, quæ consistit in ^{cap. 1.}
 enodatione Regionum in globo terrestri ^{Inte-}
 repræsentatarum, quamvis enim orbis ^{rior de-}
 universus nondum planè percognitus : ^{scriptio}
 nunquam tamen æquè, atq; hodie, lu-
 stratus fuit : Nam multorum sæculorum
 ac plurimorum hominum experientia
 edocti, multa nunc profiteamur veteribus
 incognita: & quas illi orbis regiones cre-
 diderunt vel ob æstum, vel ob frigora de-
 fertas, eas nos multis locis incoli sci-
 mus.

Totum itaque Terrarum Orbem in ^{Divi-}
Tres Partes, potissimum, uti Insulas, ab ^{or-}
 Oceano circumfluo distingui dicimus: ^{bis ter-}
 quarum *Prima* est quam nos incolimus, ^{ra.}
 continetque *Europam*, *Asiam*, *Africam*:
*Alter*a dicitur *America*: *Tertia* *Magellani-*
ca sive terra *Australis incognita*: quia præ-
 ter litora nihil dum à nobis cognitum
 est.

Primum dicemus de *Priore* parte *Euro-*
Primæ insulæ, scilicet *Europa*, quæ à no-
 bis inhabitatur, & longe terrarum cele-
 bratissima est, cum ob armorum virtu-
 tem,

tem, tum propter Literarum gloriam, quibus omni ævo reliquis orbis partibus ante stetit, quamvis longè iis sit contractior. *Terminos* habet *ab oriente*, quà Asiæ jungitur, Mare Ægeum, Helles-pontum, Propontidem, Bosporum Thracicum, Pontum Euxinum, Bosporum Cimmerium, Lacum Mæotin, & tandem Tanaim flumen ad Tyjam usque opidum, atque inde linea ducatur ad proximam Obii fl: ripam à quo eatur ad oceanum usq; glaciale: *A meridie* habet mare internum sive mediterraneum: fretum Herculeum & mare Atlanticum: *Ab occidente* idem mare Atlanticum: *A septentrione* mare Hyperboreum sive Septentrionale.

Longitudo. Longitudo ejus summa à Promontorio sacro Hispaniæ, in finibus Algarbiæ sito, usque ad Orbii fl: ostium, est milliarium Germ: circiter 900.

Situs & qualitas. Latitudo, A Tenaro Peloponnesi Promontorio usq; ad Promontorium Schrickfinniæ, quod Rutubas, nobis Noord-kyn seu Noord-kaep dicitur, est milliar. 550.

Tota sita est intra Tropicum canceri inter gradus longitudinis fere 17. & 71. Latitudinis 36. & 72. & quanta, quanta est, habitatur, quamvis, quicquid locorum supra 60. latitudinis gradum est, incommodè & laboriosè: Aliis partibus
coelum

coelum habet temperatum & clemens, unde amœnitate, fertilitate, incolarum benignorum & optimæ indolis frequentia, urbium pulcherrimarum & amplarum, oppidorum, Arcium, Pagorum, fluminum, stagnorum, lacuum, aquarumque quibus variæ vires omnis item generis animantium, arborum, frugum, plantarum, metallorum aliarumque rerum utilium & necessariarum copiâ reliquas orbis terræ partes longè superat.

Cetera quibus caret, gemmas, pretiososque lapides, aromata aliaque, tam cumulatè ab Asia importata accepit, ut nusquam major sit affluentia, nullibi plures docti, plures Scholæ, plures libri: nullibi celebriora imperia & major libertas: nullibi meliores leges, jura, & disciplinæ, nullibi denique vera Religio & Ecclesia Christi frequentior quam in Europa.

Dividitur in *Regiones Continentes* *Peninsulas* & *Insulas*: *Continentes* sunt Hispania, Gallia, Italia, Germania, Illyria, Græcia, Thracia, Dacia, Hungaria, Polonia, Tartaria, Moscovia: *Peninsula* sunt: Norwegia, Suedia, Gothia: *Insulae Oceani* sunt: Anglia, Scotia, Hibernia, cum insulis vicinis, Azores sive Flandricæ, Islandia & Groenlandia: In *Mari Balibico*

Balshico. Dania, & aliæ adjacentes. In *Mediterraneo*: Sicilia, Sardinia, Corsica, Creta sive Candia, Melita, Majorca, Minorca, & aliæ minorum gentium quam plurimæ.

Lingua Linguae in Europa potissimum 3.
Europa sunt: Romana, Germana & Slavonica:
Pa. *Primæ* est Italarum Hispanorum, & Gal-
 lorum: *Secunda* apud Helvetios, Ger-
 manos, Anglos, Danos, Norwegos &
 Suecos usum habet: *Tertia* apud Slavos,
 Polonos, Bohemos, Hungaros: Habent
 autem singulæ regiones in sua lingua di-
 versas rursus Dialectos: quædam nullum
 cum ceteris habent commercium: ut
 Britannicæ, Armoricæ, Navarræ, &c,
 Linguae.

HISPA-